
Giuseppe Caleca



Nato ad Alcamo il 21/08/1980 , residente a Castellammare del golfo, dove lavora come cuoco,dopo aver conseguito il diploma di scuola superiore all'istituto alberghiero di Erice, casa santa.

Fra i vari hobby, tra i quali il giardinaggio e la lettura, a cui ama dedicarsi nel tempo libero, da più di dieci anni coltiva anche la passione per la poesia, sia in lingua madre e più di recente in dialetto.

Ama spaziare dalle tematiche sociali, all'amore, di quest'ultimo convinto che spesso serva alleggerire « na vita di stenti ucrucchiuluta ».

Cerca d'essere il più possibile, non solo "attore", ma anche "attento spettatore" del tempo in cui vive e lo spazio che lo circonda.

Al momento non ha all'attivo alcun concorso letterario.

Baragghi di celu... e d'amuri

Abbaragghia lu celu e quasi sira
e passu e spassu di dda silinziusa strata,
accumpagnatu d'un stranu parpagghiu,
quasi miludiusu di stiddi.

M'acchiana l'ansia taliannu la to finestra,
e m'addugnu, c'abbanidduzza riri di lucerna,
dunni apposta si posa murennu,
lu ciatu di stu mumentu chi scrusci.

'Nmurmuriu d'atti m'arrispunni luntanu,
mentri carmu un tempu ormai fermu,
di ddu sfasatu roggju di l'amuri
chi cunfunni notti e iornu senza pari.

'Nguttumatu di pinseri vaiu nachiannu,
cu passu lentu, davanti ddu barcuneddu,
friddu di sururi e cavuru di pinseri.
cu l'arma c'ogni tantu rungulia.

Perdu tempu, ma pacinziusu aspettu,
arrisaccannu lu saccuni di li paroli,
pi truvati lu filu di na canzuni
chi a tia, lenta, vulissi cantari.

Mentri abballu cu l'occhi na lu scuru
e spiranzusu d'aspittari m'addumannu,
si vagnatu d'amuri alligirisciu,
na vita di stenti ncrucchiuluta.

Comu " Veneri" di l'acqui

'Ncapizzannu cannola di ventu,
rintra agnuna scurdati di mari
e scusinu cu forza, a unu a unu,
'ncapu ddi marturiati scogghi.

Viù svulazziari 'ntunnu,
strani carmarii di palummi,
comu cunfusi mumentu di squetu,
ora vannu e ora tornamu straviati,
mentri ogni rufuluni
mi sconza zavorri di pinseri.

Ora, scotulu cu forza lu salanitru
di ssa' sbattuliata varca,
d'amuri e di spiranza
e tu m'appari, comu "VENERE" di l'acqui,

m'incuddurii e svoti li sensi,
na mulineddi di pirsuasioni
e pirsuasu natu versu di tia
e tentu riparu na ssu pezzu di mari,
ma ddu ventu mi distruri di piaciri.

Sugnu misu a la porta,
mi pari d'essiri scurdatu,
nun c'è spiranza pi stu tempu
lu diversu, ancora è strana cosa.

Ririnu l'autri, chiddi "nurmali",
e cu lu farsu chiacchiarianu,
li vulissi taliari n'a l'occhi
anchi sulu na vota, a una unu.

un c'è nenti, propriu nenti, di fari,
mi chiamanu "diversu", ma pi soccu?
un cori, na menti... eppuru,
un viù differenza na st'aggia
fatta sulu di ranni ngnuranza.

E taliu ancora sti cori di petra
ma fazzu lu stessu la me parti
pi st'assardu tiatru di la vita
chi lentu, lu stessu, senza mia cuntinua.

E quasi nuddu forsi s'adduna,
chi li diversi, chiddi di sti tempi,
stannu fora di la me aggia,
di l'altu latu di dda porta.

Mi spicchiu na ssà tavula d'acqua
e mi fermu ancora a ciaurari
lu profumu maestusu e anticu
di ssi stralucanti acqui,

Na ssù mari è ntunniata,
pi lu munnu, ssa perla di valuri,
comu mati sempri china
d'ogni tipu di biddizza

Abbersu na pupa di zuccaru,
tutta scocchi, bedda allicchittata,
o na facciuzza di marturana
chi bona sazia la vita.

Mai t'abbasta di fari goriri li sensi,
tu, di ranni tradizioni e usanzi,
di li tiatri, chiesi e munumenti
cu tririci duminazioni mpurtanti.

Cu voli riscialu all'arma, ora,
vegna lestu a pistari sta terra,
dunni puru vista fa na giummara
o na spinusa pala di ficurinia.

T'aspettu ancora


'Nzaiava tra sigghiuzza, lacrimi e sospiri,
na notti timpistusa, china di malincunia
e nta l'angnuna di lu me cori
arripustava paroli, senza chiù senza.

Dunni si? Mi manchi, comu l'arma mia!
E lu ventu tuppuliava a la me testa,
mentri cuntimplava, na sta notti,
lu duci mumentu di lu to ritornu.

T'aspittava, calafatatu di spiranza,
pi sentiri comu sempri la to vuci,
p'aviri anchi n'anticchia di chiara
e fidduliari lu scuru di sti mumentu.

Ora, attentu lu spasimu di st'arma,
cu l'occhi vagnati di spiranzusu chiantu,
mentri, stanca, sta notti va murennu
na lu cori dicu t'aspetta ancora.

Bernardo Carollo



Bernardo Carollo nasce a Erice (TP) il 25/09/1980. È residente a Castellammare del Golfo, in cui vive con la famiglia fin dalla nascita. È sposato con Silvia Pisciotta.

Parente del celebre poeta castellammarese emigrato in America, Vincenzo Ancona, ne rimane profondamente colpito e subisce l'influenza della straordinaria duttilità dei suoi versi in dialetto.

Da quasi 10 anni la sua giornata lavorativa si svolge a Palermo in un'impresa privata, in qualità di responsabile nella preparazione delle Gare d'Appalto e della contabilità aziendale. Scrive poesie dall'età di 15 anni, ma solo di recente ha iniziato a partecipare a Concorsi di poesia a carattere Internazionale e Nazionale, ottenendo fin da subito risultati apprezzabili. È possibile leggere i suoi componimenti nel suo personale sito internet all'indirizzo: <http://www.bernardocarollo.it>

Na impruvvisa risata

Quanti suli ammuccia da facci bedda
c'avvampa l'estati ad ogni passu ferì,
turmenta lu sonnu da luci di stidda
ca pari figghia d'un sospiru d'amuri.
Cu ogni smurfiusa posa du corpu 'ncanta
e l'omini curiosi si fermano a taliari,
sì passa vicinu la respiranu tuttu d'un ciatu
pi sentiri lu ciavuru di da rosa in ciuri.
Quanti paroli ammuccia da vucca seria
c'addisia li labbra d'un aitanti cavaleri,
ma dispirati spiranzi avi a sviari l'arma
s'agghiorna e scura sempri a la stessa manera.
E idda sciogghi di capiddi a lu ventu amicu
mentri talia lu mari nta da sirata dispittusa,
in ondi bianchi cumpari e poi scumpari
da vilata scumazza chi cummogghia tutti cosi.
Senza scarpi passia tra la rina oramai fridda
mentri l'acqua accarezza li so peri nuri,
idda vulissi pigghiari la forma ri na sirena
e giungiri tra li vrazza di 'nviriuse ondi.
Quanti lamenti ammuccia da tristi arma
fragili e delicata comu na rosa ri cristallu,
chi rifletti ogni luci e la luci addisia
in petali d'ambra di svirati furmi.

Da timpesta chi 'nqueta e spazza
tutti li sonni e la rialtà chi 'nganna,
runa tempu a du tempu chi unn'aspetta
nta li chianti scurdati di un dispiaciri.
Troppu duci è da mustiata facci
pi tincisi d'ummri in un iornu ri sulì,
continua lu so cantu ogni criatura viventi
si idda si vesti di na impruvvisa risata.

Li chiu belli paroli

Ti vulissi riri li chiu belli paroli stiornu,
pi cancellari du tempurali chi t'inqueta,
pi lassari nta li to occhi la gioia chi ti spetta
picchè la vita t'ha privatu ri ogni versu ri puesia.
Troppi chianti hannu tinciutu la to facci
nta stu Munnu chi gira spissu a lu cuntrariu,
ri tuttu lu beni ch'hai fattu un t'arrestau nenti,
sulu dispersi paroli ri un sentimentu scanusciutu.
Ogni mutu lamentu è un giru nta stu silenziu,
un cerca pace la to arma nta sta guerra,
si la sula vittima ri stu mari 'n timpesta
e ti trascini 'n menzu li ondi ri lu scunfortu.
Taliu la to bedda facci riflettiri lu suli
e mi tremanu li labbra ad ogni filu ri ventu,
pi da biddizza ri fimmina chi si perdiu
nta li vesti sculuruti ri ogni dispiaciri.
Mi vulissi pigghiari li to pinseri e fari canciu,
picchi cu li to spini eu un mi punciu,
rosa all'ombra di un cori innamoratu,
petali ri spiranza nta stu tempu chi 'un aspetta.
Profuma r'estati la to vucca ri lu silenziu arsa,
chi mi tenta e poi ad ogni abbrazzu s'ammuccia,
comu un onda chi ioca cu la spiaggia scappi,
ed eu sentu sulu lu ciavuru ri st'addisiata acqua.
M'abbastassi sulu na to fridda carizza n'facci
pi farimi arristari un iornu senza ciatu,
sì un ciuri pronto a sbocciare a lu primu suli,
la stidda mancanti di st'universu ri luci.

Na scurusa notti

Cercu tra li to occhi la luci ri li stiddi
nta la scurusa notti chi n'abbrazza,
ma un trovu du battitu chi manca a stu pettu
nta du friddu cori vistutu ri silenzi.
Eppuru aspettu un segnu, na taliata, un sulu lamentu
pi fari nasciri un mari da n'unna nica nica,
mentri di labbra chiusi tennu luntani li pinseri
comu na porta stipata a du passi ri 'n addisiatu Munnu.
Accussì d'amuri chi finu a eri era chinu ri purmissi
e di carizzi pruibiti ammucciati pi vergogna,
oggi scumpariu di corpu all'impruvvisu, rintra un ciatu,
lassannu tra li manu sulu 'ncunurtati chianti.
Eu ti ricordu ancora surridenti, sincera,
quannu ravi ad ogni sognu un nomu differenti,
quannu ti bastava un vasu e un ciuri appena cotu
pi fari sbocciare da fimmina a lu chiu duci 'ncantu.
D'arma bedda lassau nta stu corpu lu so ricordu
tra li ciniri 'nfucati dun sentimentu eternu,
ed oggi m'abbrucia ancora quannu mi passi a latu
e firrii la testa pi evitari la me taliata cuntrariata.
Ma in ogni puisia c'è sempri un versu sguenciu
chi 'nzita astiu tra li armuniusi rimi scritti,
accussì tu chi avivi tuttu e disidiravi ri megghiu
ora ti trovi sula a curriri appressu a un cori surdu.

Un haiu vucca senza li to labbra,
un mi restanu occhi senza la to taliata,
picchè nta stu focu ch'abbampa n' pettu
s'abbruccia ogni me pinseri malirittu.
Forsi fussi giustu scurdari di purmissi,
li vasi, li carizzi e di sigreti piccatuzzi,
ma lu sangu chi scurdavi n'ta le to vini,
chiddu comu fai a turnarimillu arrieri?
Quannu l'amuri pigghia lu supravventu
un cè chiu speranza d'astutallu 'n tempu,
'ncinnirisci l'arma cu li vampi ri l'infernù
e un servi a nenti fari finta di scurdarisillu.
Ah quantu addisiu na to carizza, una sula,
e da facci bedda chi 'nviria la terra 'ntera,
picchè quannu scappava lu suli e arrivava la notti
la to taliata birbanti rava lustru a sti tristi occhi.
Un haiu vuci si mancanu li to paroli,
un trovu paci si un riri di filici gioie,
picchè nta stu iornu mentri chianciu la to assenza
la nura terra mi cummogghia senza pipitiari.
Ammucciatu tra li fraschi ti talii ri luntanu
vistu chi pi tia addivintavi sulu un poveru farfanti,
e anchi si un pozzu sentiri du ciavuru d'estati
mi cunsolu lu stessu pinsannu a li to vasi.